

Mit'm MIC in der Hand

(Text/Lyrics: Mista Wicked)

Servus, Habe d' Ehre und Griaß' eich beinand
I bin Mista Wicked mit'm MIC in der Hand

Live und direkt aus'm Vor-Alpenland
Kimm i : Mista Wicked mit'm MIC in der Hand

Wer macht boarischn Reggae heid a bisse bekannt ?
Dees is Mista Wicked mit'm MIC in der Hand

Wer feiert heid no gscheid mid eich olle mitanand ?
Dees is Mista Wicked mit'm MIC in der Hand

Is as Mikro moi kaputt... (Dees warad a Schand'!)
Dann baud Mista Wicked sei MIC ausanand

Und bauda's wieder zam und's gäd no immer need, dann...
Dann schmeißt Mista Wicked sei MIC an die Wand

Wer hod Reggae und Ragga ois sein Sound anerkannt ?
Dees is Mista Wicked mit'm MIC in der Hand

Wer steckt mid eich heid no Babylon in Brand ?
Dees is Mista Wicked mit'm MIC in der Hand

Mista Wicked labert do für eich heid ins Mikrofon
...auf boarisch, weil dees de Sprach' is, de i am besten kon !
Daß a Bayer bayrisch redd, dees is Tradition
Boarischer Reggae für de ganze Nation !

Wer rend'n do vor eich mit'm MIC ummanand ?
Dees is Mista Wicked mit'm MIC in der Hand

Wer is sehr elegant und is immer sehr charmant ?
Dees is Mista Wicked mit'm MIC in der Hand

Wer dad nach Jamaika fliang, wenna si's leisten kann ?
Mista Wicked mit'm MIC in der Hand

Wer find' de *Sendung mit der Maus* immer sehr interessant ?
Dees is Mista Wicked mit'm MIC in der Hand

Hob i dees jetz scho gsogt, oder habz ihr dees scho gschbannd
I bin Mista Wicked mit'm MIC in der Hand

Wer labert si irgendwann no um sein Verstand ?
Dees is Mista Wicked mit'm MIC in der Hand

Wer warad gern am Meer, und warad soo gern am Strand ?
Mista Wicked mit'm MIC in der Hand... und i glaab, aa mia olle mitanand... und i sog :

Führer dieser Welt, kämpfz need gegaranand !

Mista Wicked labert do für eich heid ins Mikrofon
...auf boarisch, weil dees de Sprach' is, de i am besten kon !
Daß a Bayer bayrisch redd, dees is Tradition
Boarischer Reggae für de ganze Nation !